

АКАФИСТ

преподобному и богоносному
отцу нашему КЎКШЕ,
Афонскому, Киево-Печерскому,
Почаевскому, Крещатицкому,
Одесскому и всея Руси
Исповеднику и Чудотворцу



АКАФИСТ

преподобному и богоносному
отцу нашему КÚКШЕ,
Афонскому, Киево-Печерскому,
Почаевскому, Крещатицкому,
Одесскому и всея Руси
Исповеднику и Чудотворцу

Кондак 1

Избранный последователю Христов и
благодатию Его исполненный/ духовный
преемниче великих монашествующих от-
цёв,/ молися о нас, недостойных звания
христианскаго,/ но искренне ты о Господе
и Богородице любящих, и тёпле поющих
ти:/ **Р**адуйся, преподобне отче наш
Кúкшо, // прорóче предивный, целебниче и
чудотворче.

Икос 1

Ангелом Творца и лю́дем Отца и Учи-
теля Единого измлада возлюбив, издётска
церковь Божию со тщанием посещал еси́,

и, якоже прежде Чудотворец Николай, первым в нея входя последним из Дома молитвы исходил еси, ныне же слышиши: **Р**адуйся, великий Божий угодниче; радуйся, блаженный Богородицы избранниче. Радуйся, родителем твоим славо; радуйся, православным христианом похвало. Радуйся, обязанности сыновнии рачительно исполнимый; радуйся, крест свой вземый и последовавый за Христом. Радуйся, благое иго Спасителево приемый; радуйся, и бремя Его легкое имевый на себе. Радуйся, кротости у Господа Иисуса научивыйся; радуйся, пример смирения совершеннаго в Сыне Божиим обретый. Радуйся, родительскому дому Дом Божий предпочтый; радуйся, прилежно моливыйся в нем и Писание Священное слушаемый. **Р**адуйся, преподобне отче наш Кукшо, пророче предивный, целебниче и чудотворче.

Кондак 2

Видя от дѣмона мучимаго собрата к подвижнику преподобному его препроводил еси. И старец той святой, страдальца исцелив, гонения от мести лукаваго тебе предвозвести, яже от отрочества твоего все житие твое терпети имаши. Ты же пророчеству сему мужественно внимал еси взывая: **А**ллилуиа.

Икос 2

Разумеюще любовь твою к Божественному и Священному, отец и матери твои благословяху тя, еще юношею, в Землю Святую паломничати, идеже увидел еси начавшиися совершати над тобою Божии чудеса, прими же и приносимыя нами похвалы: **Р**адуйся, любовью жертвенною преисполненный; радуйся, душу за ближняго положивый. Радуйся, козней демонских не убоивыйся; радуйся, на Господа уповаяй. Радуйся, от зол избавления безмятежно ожидавый; радуйся, и гонения

дóбльственнó претерпевáвый. Радуйся, вся помышлénия твоя Богу посвятívый; радуйся, всёю крéпостию твоёю Ему порабо́тай. Радуйся, Распятию Христову на Голгóфе поклонивыйся; радуйся, благоговéнно лобызáвый Крест Христов Всечестнýй. Радуйся, елéем, у Грóба Животворящаго на тѧ чудесно излívшимся, от верхú главы́ до подно́жия стоп твоих свящённо помáзанный; радуйся, одéтый в купéли Силоáмской нечаянно омýвыйся, на целомúдренное духовное многочáдие свыше благословén. Радуйся, преподобне отче наш Кúкшо, прорóче предивный, целебниче и чудотворче.

Кондак 3

Сíлою долготерпénия преоружén, твёрдое и долговрémенное óтчее нежелáние с тобою разстáтися и посвятítитя Господу преодолел есй, и Богу и Богородице усыновитися по благодати Святаго Духа в Афóнском удéле Пречистыя в той

же час поспешил еси́ взывая: Аллилуиа.

Икос 3

Имея желание совершенному монашескому деланию научиться, наставника благоискүснаго и опытнаго взыскал еси́, и к старцу Мелхиседеку, трезвения и молитвы умныя делателю благодатному, с пользою для души твоея́ прилепился еси́, мы же поём ти: Радуйся, сыне богоугоднаго родителем послушания; радуйся, послуживый им с кротостию и благословение их обретый. Радуйся, Христову заповедь о любви и жителстве совершенных к себе отнесый; радуйся, любовь двуединую к Богу и людем стяжавый и чрез все житие твое в пакибытие пронесый. Радуйся, паче отца твоего земнаго возлюбивый в Троице Святей славиимаго Господа; радуйся, Матерь Приснодевственную нас ради воплотившагося Сына Божия матери твоей кровней предпочтый. Радуйся, в уделе Афонском Пре-

непорóчныя Девы подвизáтися воз-
жáждавый; радуйся, во обители святаго
великомученика и целителя Пантелеíмона
и в скиту ея, Фиваíдою Новою именуе-
мом, водворíвыйся благословением
Игúмении Святыя Горы́. Радуйся, по-
слушнический íскус достойно прошéдый
íноческаго пострижéния сподобивыйся;
радуйся, по времени собою попóлненный
славныя и добропобедныя афонския мо-
нашеския полкí. Радуйся, учителя бого-
нóснаго молитвеннаго úмнаго дéлания со-
тщанием искíй; радуйся, отца духо-
нóснаго, схимника и священника, мило-
стию Божию и изволéнием Бого-
рóдичным срéтевый. Радуйся, преподобне
отче наш Кúкшо, прорóче предивный, це-
лебниче и чудотворче.

Кондак 4

Бúрею гонения, воздвígнутаго на рев-
ностных дéлателей непрестáннаго по-
каýния, тýсяща боголюбíвых русских

и́ноков силою удалена́ бы́ша от Святыя Горы́, с ни́миже и ты, хотя́й на Афоне умре́ти безвинный страда́льче, в земно́е свое Отечество возвратился еси́, пою́ще: **А**ллилуиа.

Икос 4

Слы́ша, я́ко уравнивают тя с нетленно покоящимися в пещерах отца́ми святыми Лавры Киево-Печерския, в ню́же Промышлени́ем Божиим пресели́лся еси́, высоко́умием и гордостью не уловился еси́, се́ бо прахом земны́м себе почита́л еси́, ны́не же достойно прославляеши́ся с преподобными: **Р**адуйся, под водите́льством о́пытным стяжа́вый умную, сердечную и самодви́жную молитву Иисусову; радуйся, апо́стольскую за́поведь непрестанно моли́тися испо́лнивый. Радуйся, победительно подвиза́йся супро́тив поднебесных лука́вых духо́в; радуйся, непрестанно пред Богом ходата́йствуяй о прощэ́нии наших зол и грехо́в. Радуйся, от демонов

ненавидимый; радуйся, любвѣ Божествен-
ная преисполненный. Радуйся, под-
вижнике препростый, с ветіями, бого-
словащими об Имени Божиим, не
стявываясь; радуйся, смиренный иноче,
неизреченными воздыханіи Бога
славивый, а не бедными человеческими
усты. Радуйся, Именем Иисусовым потре-
бивый похоти плоти и очес; радуйся, гор-
дость житейскую всецело исторгнувший и
бесы проженный. Радуйся, не собственною
волею, а Божиею за послушание старцу
твоему руководствуясь; радуйся, про-
мыслительно преселившийся из Афонскаго
жребия Пречистыя Богородицы в Ея Ки-
евский удѣл. Радуйся, преподобне отче
наш Кукшо, пророче предивный, лечеб-
нике и чудотворче.

Кондак 5

Боготечно совершая подвижнический
твой путь послушничество на иночество,
сие же монашеством на Афоне пременил

есї, яко степенями в Гóрняя восходя, в пещерах же Киевских о ёже умрети миру и сподобитися схїмы великія молился есї, хотя непрестанно взывати со Ангелы: **Аллилуиа.**

Икос 5

Вїдяще братия Печерская внезапу ты умирающа, восхотеша увенчати честное монашеское житие твое пострижением в великий ангельский чин, и тако внушением Духа Святаго не точно тайное желание твое исполниша, но и исцелиша, и воскресиша ты, мы же тако зовем: **Р**адуйся, чадо безпрекословнаго послушания; радуйся, достойно иночествующих собрате. Радуйся, ангельскаго чина афонский воспреемниче; радуйся, великаго ангельскаго образа в пещерах Киевских сподобльшийся. Радуйся, отверсты Небеса и славу Церкве Торжествующия молитвами старца Мелхиседека Схимника пред изгнанием твоим с Горы Святыя вїдевый;

раду́йся, по послуша́нию пеще́рника не-
тле́нныя мо́щи преподо́бнаго Силу́ана
Схимника рука́ма тво́йма держа́, о по-
стриже́нии своем в той же чин действенно
помоли́вься. Раду́йся, душу свою за си́е
положити жа́ждая и близ уже́ при двере́х
смерти бы́вый, обнов́ивый ю́ во Христé и
спасы́й; раду́йся, не я́ко раб и наёмник, а
я́ко чадо Божие возлюбленное сугу́баго
моли́твеннаго дерзновения преис-
по́лнивыйся. Раду́йся, по словеси́ препо-
добнаго Григория Сина́ита, подвижника
Афонскаго, Духа Святаго благодатию ос-
вят́ивыйся и просвет́ивыйся; раду́йся, во
свéте Христовом уви́девый души́ своея́
воскресе́ние пре́жде Воскреше́ния
всео́бщаго. Раду́йся, еще на земли́ дённо и
но́щно трéзвенно подвиза́вься, Царю
Небесному в́ину предсто́яй; раду́йся,
в́ину отве́рсты к прошениям и славосло-
виям твоим ушесы́ Божия имéяй. Раду́йся,
преподобне отче наш Кúкшо, проро́че

предивный, целебниче и чудотворче.

Кондак 6

Проповедника покаяния яко избранника Своего и праведника тя содѣлывая Господь во диаконы и священномонахи тя возвел есть, да благодатию священства преоружившися, делатель новый будеши на жатве Его, и в скорбех, и в радостех умѣющий и инья учащий пети Богу: Аллилуиа.

Икос 6

Просиял еси святостию во время, мрака, лютоги и браней исполнено, сего ради и пострадал еси от богоборец: взят был еси под стражу, осужден был еси за веру, и с разбойники причтен, в пределы северо-русския сослан был еси и заточен. Занеже и: «Радуйся», – многая слышиши: **Р**адуйся, старче, душею и телом благодатный; радуйся, от юности до престарения Богу посвященный и поработай. Радуйся, подобно святому Саровскому старцу дух

мирен стяжавый; радуйся, по его же пре-
дуказанию тысячи верных ко Господу
приведый. Радуйся, наедине угождати
Господеви желая и безмолвия искый,
обаче по воле Божией на пользу братии и
сестер подвизавыйся; радуйся, себе вни-
мая бервно из очес своего духовнаго ис-
торгнувый и ясно видети научивыйся. Ра-
дуйся, ревностно послуживый диаконом и
пресвитером в Лавре Киевской; радуйся, и
по закрытии святых сия обители в Слобо-
де Воскресенской града Киева достойно
священствовавый. Радуйся, безстрашно
пред неверными и верными о Христе не-
молчно свидетельствовавый; радуйся, и
самим твоим благодатию божественною
просветленным обличем веру истинную
безмолвно проповедавый. Радуйся, за
Христа судимый богоборцами и в темницу
заключенный; радуйся, за веру свою по-
страдавый и в стране северной каторжно
потрудивыйся. Радуйся, преподобне отче

наш Кúкшо, прорóче предивный, целеб-
ниче и чудотворче.

Кондак 7

Хотящему всем челове́ком спастися
Иисусу Христу Сыну Божию и в темни́це
твоей священнически послужíти сподо-
бился еси́, егда́ Честны́ми Дáры, святите-
лем схиархиепíскопом Антонием Прозор-
ли́вым из Киева тебе прíсланными,
верных множество причастíл еси́, по-
ющих Гóсподеви: Аллилуиа.

Икос 7

Новаго Илию́ Фесвítянина в тебе
íмамы, я́ко и тебе, гладом мúчиму, пятию́
хле́бы, даже птенцы своя не питающим
вра́ном у стражников твоих для тя восхи-
щёнными и тебе принесёнными, напитán и
от смерти избавлен был еси́. Сего́ ради
молитвенно ти зовём: Радуйся, пророку
Божию Или́ уподо́бивыйся; радуйся,
ревностный служителю Божий и добрый
ра́бе Его. Радуйся, гонения и опасности

смѣртныя дѣблѣственнѣ претерпѣвый; радуйся, ненавидящія и гонящія тя мужеством твоим препобедивый. Радуйся, яко и в твоей немощи сила Божія изрядно совершися; радуйся, ближним твоим и словом, и делом по заповеди Христовой помогай. Радуйся, постниче крайний, вольный и невольный, от глада телом яко трость ветром колеблема бывый; радуйся, духом твоим, благодатию обожненным, столп веры несумненныя явивыйся. Радуйся, до грехопадения прародителява бывшее господство над тварию во Христе Спасителе со отцы преподобными славно обретый; радуйся, яко в молитве у Господа служения вранова себе испросивый, нечестивыя гонители твоя пред чудом сим главы своя преклонити расположил еси. Радуйся, хлебом богодарованным глад нестерпимый утолвивый и умиленными сердцем и усты пред стерегущими тя яве Бога прославивый; радуйся, Божествен-

ными Телом и Крѳвию не сам себе тѳчию, но и ѳны христиѳны, священники и мирѳны, напитѳвый и утѳшивый. Радуйся, преподобне отче наш Кѳкшо, прорѳче предивный, целебниче и чудотворче.

Кондак 8

Стѳнно бысть гонѳтелем твоим на трилѳтнее поселение в зѳмлю Пѳрмскую ты сѳсланнаго, дѳхом неунывающа и телом неутомима и здрава вѳдети, яко Бог благодатию Духа Святаго силы ти обновѳ, немолчно поѳющу сердцем и устѳ: Аллилуиа.

Икос 8

Весь Киев град святыи и Лавра Печерская Успения Богородицы возвращению твоему на место молитвенных подвигов и трудов первоначѳльников монашества русскаго Антония и Феодосия преподобных возрадовастася, и мы прерѳдосто тебе поем: Радуйся, подвизѳйся и спасѳйся в духе кротости; радуйся, вселѳния Духа

Утѣшителя сподобльшийся. Радуйся, свѣтом Христовым верныя и неверныя озаряя; радуйся, просвещая неправедныя и праведныя освящая. Радуйся, волков мысленных и гонителей не страшивыйся; радуйся, сретаемыя тобою заблуждшия овцы словесныя правою верою исполняя и возгревая. Радуйся, щите молитвенный града Киева; радуйся, обители Киево-Печерския насельниче святой. Радуйся, схимническими труды Антонию Печерскому подражая; радуйся, святому Феодосию уподобивыйся, священническая ризы и звание игуменское достойно нося. Радуйся, братию лаврскую щедро питая и назидая; радуйся, прихожаны и паломники монастырския духовно пестовавый. Радуйся, преподобне отче наш Кукшо, пророче предивный, целебниче и чудотворче.

Кондак 9

Всякия нужды и печали приходящих к

тебе прозорливо провидел еси́, и врачевание должное в мѣру и потребу всякаго подавал еси́, ещѣ же и от отчаяния советами богомудрыми и молитвами богоугодными избавлял еси́, и пѣти всех благ Подателю научал еси́: Аллилуиа.

Икос 9

Ветийствованию с человеками безмолвие и дѣлание молитвенное предпочел еси́, и плоды благодатными трудов сих духовных ко Господу Иисусу многия привел еси́, яко на мужа Богу угодна на тя взирающия, недуги душевныя и телесныя врачующа и похвалу сицевую от нас приѣмлюща: Радуйся, верный Господень служителю, по дару божественныя благодати вся о всех вѣдый; радуйся, очима богопросвещенными пороки и грехопадения людскія вѣдевый, страда́яй о сем и скорб́яй. Радуйся, высоту дарований твоих изрядных смиренномудрием и скромностию растворя́яй; радуйся, даже до старости

пóдвиги телесными себе изможда́яй и си-
лою духовною не оскудева́яй. Радуйся, в
Го́рняя воспарíвый, грешне́йшим и худ-
шим всех человек себе почита́яй; радуйся,
то́чию истинных рабов Божиих ча́дами
своими о Господе именúяй и окормля́яй.
Радуйся, боголюбче, о преумножении сла-
вы Божией и о ёже достойным всем Гос-
пода б́ыти пекийся; радуйся, братолюбче,
во уверение монашествующих и миря́н
неленостно потрудíвыйся. Радуйся, све-
тосия́ния сподо́бльшийся, многия помра-
ченныя грехом очистивый; радуйся, свя-
тостию своею многия к вере правой
приведýй и утверд́ивый в ней. Радуйся,
врачу безме́здный; радуйся, целителю
благодатный. Радуйся, преподобне отче
наш Кúкшо, проро́че предивный, целеб-
ниче и чудотворче.

Кондак 10

Спасению из ближних и дальних весей
притекающих служил еси́, и богоборцами,

ожесточившимися на тя за сие, из Лавры Киевския в Почаевскую сослан был еси, и, яко птица словесная с Афонския Горы в горы Киевския некогда, на Гору Почаевскую воспарил еси пети Богу: Аллилуиа.

Икос 10

Стене неборимой – Почаевской чудотворной иконе Богородицы многожды при поклонении братии и мирян предстоя лучами сияния ея благодатнаго просветился еси, и неизреченными ароматы райскими от нея облагоухался еси, ныне же святым обители сия почитаешися и слышиши: Радуйся, вторицею из Киевскаго удела Пречистыя Приснодевы правды ради изгнанный; радуйся, Христа ради поношения и злословия гонящих тя грешников нераскаянных и завистников безропотно претерпеваяй. Радуйся, из матери градв русских в землю Волынскую Божественным Промышлением и изволением Богородицы препровожден; радуйся,

сугубою благодатию Их здѣ посещаемый и утешаемый. Радуйся, пред образом препрославленным Владычицы Небесі и земли и Богомладенца Иисуса многожды колена преклоняя; радуйся, при целовании Их брѣтию Почаевскою и богомольцами иконе сей цельбоносней аки страж предстоай. Радуйся, моливыйся Спасителю нашему и Маріе Богоневѣстной и Приснодѣвственной за всех, с верою к Ним притекающих; радуйся, помощи чудесныя страждущим, бесов прогнания и исцелений свидетелю благодатный и соучастник. Радуйся, водою святою, от стопы нерукотворенныя на месте явления Богородицы, в столпѣ огненном дрѣвле бывшем, предивно источаемою, лице твое омывая и жажду утоляя; радуйся, явленный святаго Иова, игумена Почаевского при служении Литургіи Божественныя близ мощей его нетленных в храме ему посвященном сподобльшийся. Радуйся,

грешников кающихся безчисленное множество исповѣдывавай, властью, тебе Богом данною, прощай их и от грехов разрешай; радуйся, в Таинстве Причащения Тѣла и Крѳви Христовых верныя питай и к животу вечному предуготовляй. Радуйся, преподобне отче наш Кукшо, пророче предивный, целебниче и чудотворче.

Кондак 11

Пение хвалебное яко отцу их преподобному и в Крещатицкой обители Буковинской слышиши, се бо из Почаевския Лавры сюду сослан был еси, и место сие молитвами и бдении твоими освятил еси, во время же гонений новых в Одесский патриарший монастырь преселен, взывал еси: Аллилуиа.

Икос 11

Светлыми лучами Афонския иконы Божия Матери «Млекопитательницы» согревался еси последния четыре лета твоего земнаго пути, и Касперовскому чудо-

творному образу Богородицы с радостию поклонялся еси сыновне великия святыни сия града Одессы чествуя, сего ради тако тебе поем: **Р**адуйся, на горé надднестрóвской в обители святаго апостола Иоанна Богослова вселívыйся и подвизáвыйся; радуйся, место сие пустынное возлюбívый и новым Афоном своим зовый. Радуйся, ктíторе святыи, церковь Покровá Божия Матери здé воздвígнувый; радуйся, моли́твенниче благословенный и дерзновенный, преукрáсивый сию и облагодáтствовавый. Радуйся, телéсно отсю́ду изшéдый, но духом твоим место сие объёмляй и молитвами огражда́яй и благословля́яй; радуйся, храмом Божиим, в память твою в обители сей устрóбленным, почтенный ныне и препрославленный. Радуйся, правосла́внии лю́дстии земли Одесския пришéльствием твоим возвеселívый; радуйся, христоненавистники и враги́ Божия преогорчívый сим и обез-

си́ливый. Раду́йся, о трапéзах духовных и вкушени́и утешения с предстоя́телем при-снопамя́тным Церкви Русския́ Алекси́ем Первым в Крещáтике проро́чествовавший; раду́йся, в Свято-Успéнской Одесской обители́ патриáршей собеседником и ду-ховникóм егó ста́вый, сослужíвый с ним и хлéбы егo с ним ядýй. Раду́йся, властью богоборческою́ теснимый, но то́чию Гос-поду́ угожда́яй и рабом Егo, к тебе прите-кающим, посóбствуй; раду́йся, кроткий угóднице Божий и безсрéбреннице щедро-подáтельный. Раду́йся, преподобне́ отче наш Кúкшо, проро́че предивный, лечеб-нице и чудотворче.

Кондак 12

Благода́тию Божи́ею ще́дро ода́рен, чудесы́ мно́гия на пользу́ душ приходя́щих и приезжа́ющих в обитель Одесскую́ Успения́ Божия́ Матери́ совершал еси́, и веру́ правую в видевших да́ры сия́, знае-мому́ их и ближне́му их низпо́сланныя,

утверждал еси, с тобою поющих: **Аллилу-**
иа.

Икос 12

Поюще предсмертныя подвиги твоя и
Господом благословенныя ти в болезни
страдания, долготерпению и кротости
твоим, и жажде молитвы храмовыя удив-
ляемся, и яко чада и внуки твоя духовныя
пред ракою мощей твоих цельбоносных
преклоняемся, и сие молимся ти: **Раду**й-
ся, бесами одержимых работы вражия
свобождай; радуйся, ослабленных и
недвижимых возставляй и укрепляй. Ра-
дуйся, неисцельно недугующих исцеляй;
радуйся, врачами отверженных умираю-
щих оживотворяй. Радуйся, все житие
твое не имый, где главу долговременно
приклонити, страдания мученическа за
старческое попечение твое пред отшест-
вием к Богу вкусивый; радуйся, труж-
дающуюся для братии обители чадо твое
духовное, старицу схимонахиню посе-

тѣвѣй и в келию шѣдый, стегно́ себе пре-
ломѣвѣй и на смертный твой одр возле-
гѣй. Радуйся, мужества преисполненный,
место и обстоятельства безвременно
спѣшнаго погребения твоего предвѣдевый
и прозорливо предукáзываяй; радуйся,
трѣдесять лет честными остáнки своими в
земле монастырской покóивыйся и пер-
вым в собóре святых, Одесскими именуе-
мых, обрѣтенный. Радуйся, в лице отцѣв
преподобных земнаго Отечества твоего
пѣрвее просиявѣй, ны́не же всею Русскою
Церковию я́ко Исповѣдник прославлен-
ный; радуйся, сокровищницу духовную
святыхъ вѣлиих града сего и обители, тя
упокóившия, собою преумно́живый. Ра-
дуйся, мощáми твоими святыми с нами
пребывáяй и десни́цу твою лобызáющих
благословляяй; радуйся, молениям нашим
внемáяй и кúпно с твоими ходáтайствы
Господу с Богородицею их принося́й. Ра-
дуйся, преподобне отче наш Кúкшо, про-

роче предивный, целебниче и чудотворче.

Кондак 13

О, преподобне отче наш Кúkшо, внегда оставил еси отеческий твой дом, сугубым избранником Господа и Богородицы стал еси, и от юности твоя до старости достойно Им послужив, вину с любовью взывал еси, ныне со Ангелы взываеши и нас взывати научаеши: Аллилуиа.

Сей кондак глаголи трижды, и паки:

Икос 1

Ангелом Творца и людем Отца и Учителя Единого измлада возлюбив, издетска церковь Божию со тщанием посещал еси, и, якоже прежде Чудотворец Николай, первым в нея входя последним из Дома молитвы исходил еси, ныне же слышиши: Радуйся, великий Божий угодниче; радуйся, блаженный Богородицы избранниче. Радуйся, родителем твоим славо; радуйся, православным христианом похвало. Ра-

дуйся, обязанности сыновнии рачительно исполнимый; радуйся, крест свой взёмый и последовавый за Христом. Радуйся, благое иго Спасителяво приёмый; радуйся, и бремя Его лёгкое имевый на себе. Радуйся, кротости у Господа Иисуса научивыйся; радуйся, пример смирения совершеннаго в Сыне Божиим обретый. Радуйся, родительскому дому Дом Божий предпочтый; радуйся, прилежно моливыйся в нем и Писание Священное слушаемый. Радуйся, преподобне отче наш Кукшо, пророче предивный, целебниче и чудотворче.

Кондак 1

Избранный последователю Христов и благодатию Его исполненный/ духовный преемниче великих монашествующих отцев,/ молися о нас, недостойных звания христианскаго,/ но искренне ты о Господе и Богородице любящих, и тёпле поющих ти:/ Радуйся, преподобне отче наш Кукшо,// пророче предивный, целебниче и

чудотворче.

Молитва

О, преподобне и богонóсне отче наш Кúкшо, Святыя Горы́ Афонския, Крещáтицкаго монастыря святаго апостола и евангелиста Иоанна Богослова и три́ех обителей Успения Божия Матери: Киевския, Почаевския и Одесския славо немеркнущая и пресветлая похвалó!

Из безвестности и бедности в юности призв́ан был ес́и на служение Господу, и Казанским óбразом Пречы́стыя Богородицы мáтерию твоею богобоязненною и боголюбивою на подвиг монашеский благословéн, супрот́ив похоти плоти, похоти очéс и гордости житейския самоотверженно преоруж́ился ес́и, ведая, я́ко брань христи́аном не супрот́ив плоти и крови, а супрот́ив начальств, и властей, и миродерж́ителей века сегó, невидимых, но неусыпно и ощут́ительно на нас напáдающих, предлеж́ит. Мнóгая

злострадания и гонения непрестанные все житие твое мужественно терпел и добropобѣдно претерпел еси́, видя на себе самѣм, яко воистину сила Божия совершается в человеческой немощи.

Смиреномудрия и кротости исполненный, преизобильную благодать Святаго Духа на себе привлекл еси́, и в сердце твое, предочищенное от страстей, яко в храм живой, таинственное Божественное вселение приял еси́, даров пророчества, цельбы и чудотворения сподобивыйся.

Еще же и тела твоего освящения и сохранения святых мощей твоих благодать обрел еси́, сего ради пред ними тебе поклоняемся, щедроподательную помощь Божию приѣмлюще и истинно уверяющесе, яко много может молитва богоугодная твоя, отче святый, во благая нам поспешествующая.

Не лишай же нас и впредь твоея милости: прощения согрешений наших испро-

си, недуги исцели, от плена бесовскаго и тлена страстей, нас мучающих и губящих, свободи, и в час кончины нашея прииди к нам и помози, да спасение улучим, и с тобою хвалим, славим, величаем и поём в Троице Святей славиимаго Бога нашего Отца Безначальнаго, Сына Единороднаго и Духа Святаго Животворящаго в безконечныя веки веков.

АМИНЬ.

